



ШҮҮХИЙН ШИЙДВЭР ГҮЙЦЭТГЭХ
ЕРӨНХИЙ ГАЗРЫН ДАРГЫН
ТУШААЛ

2007 оны 07 сарын 25 өдөр

Дугаар А/106

Улаанбаатар хот

Шагнал бий болгох тухай

Шүүхийн шийдвэр гүйцэтгэх тухай хуулийн 6 дугаар зүйлийн 6.1.3 дахь заалтыг үндэслэн ТУШААХ нь:

1."Шүүхийн шийдвэр гүйцэтгэх байгууллагын ажилтанд шагнал, урамшуулал олгох журам"-ыг нэгдүгээр, Шүүхийн шийдвэр гүйцэтгэх байгууллага /"Хүндэт ажилтан", "Салбарын тэргүүний ажилтан", "Албаны төлөө" I, II, III зэргийн тэмдэг, "Хүндэт тэмдэг", "Дурсгалын тэмдэг", "Тэргүүний шийдвэр гүйцэтгэгч"/-ын тэмдэг, үнэмлэхний тодорхойлолтыг хоёрдугаар, загвар-тэмдэгийг гуравдугаар хавсралтаар тус тус баталсугай.

2. Дээрх шагналын тэмдэгийг батлагдсан загварын дагуу захиалан хийлгэх ажлыг зохион байгуулж, зохих нөөцтэй байлгах арга хэмжээ авахыг Тамгын газар /дэд хурандаа М.Баттогтох/, Санхүү, үйлдвэр, төлөвлөлт, бодлого зохицуулалтын газар /хурандаа О.Шагдарсүрэн/-т тус тус үүрэг болгосугай.

3. Энэ журам батлагдсантай холбогдуулан Шүүхийн шийдвэр гүйцэтгэх ерөнхий газрын даргын 2001 оны А/10, 2005 оны А/118 дугаар тушаалуудыг тус тус хүчингүй болсонд тооцсугай.

4. Энэ журмын хэрэгжилтэд хяналт тавьж ажиллахыг Тамгын газар /дэд хурандаа М.Баттогтох/-т даалгасугай.

ДАРГА, ХУРАНДАА

Д.БАТЖАРГАЛ

Шүүхийн шийдвэр гүйцэтгэх ерөнхий газрын
даргын 2007 оны А/106 дугаар тушаалын
нэгдүгээр хавсралт

ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
АЖИЛТАНД ШАГНАЛ, УРАМШУУЛАЛ ОЛГОХ
ЖУРАМ

Нэг. Нийтлэг үндэслэл

1.1. Шүүхийн шийдвэр гүйцэтгэх байгууллагад ажиллаж байгаа ажилтан, албан хаагчийн ажлын амжилт, үр дүн, бүтээлч үйл ажиллагааг хөхүүлэн дэмжих зорилгоор тэдэнд шагнал, урамшуулал олгоход энэхүү журмыг баримтална.

1.2. Төрийн албаны стандарт, албан хаагчийн үйл ажиллагааны үр дүн, мэргэшлийн түвшин, ёс зүйн хэм хэмжээ, манлайлах ур чадвар, ажилласан хугацаа зэргийг шагнал, урамшуулал олгоход гол шалгуур үзүүлэлт болгоно.

1.3. Шүүхийн шийдвэр гүйцэтгэх байгууллагын үйл ажиллагаатай холбоотой хууль тогтоомжийг боловсронгуй болгох, хэрэгжүүлэхэд идэвхи зүтгэл гарган ажилласан, гадаад хамтын ажиллагааг хөгжүүлэх үйл хэрэгт бодитой хувь нэмэр оруулсан төрийн, төрийн бус байгууллага, Монгол Улсын болон гадаадын иргэнийг Шүүхийн шийдвэр гүйцэтгэх байгууллагын шагналаар шагнаж урамшуулж болно.

Хоёр. Шагналын төрөл

2.1. Шүүхийн шийдвэр гүйцэтгэх байгууллагын ажилтныг Төрийн дээд одон медаль болон Засгийн газар, Хууль зүйн яамны шагналаар шагнуулахаар тодорхойлон “Хууль зүйн салбарын шагналын журам”-ыг баримтлан шагнуулж болно.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/77 дугаар тушаалаар өөрчлөлт оруулсан/

2.2. Шүүхийн шийдвэр гүйцэтгэх байгууллагын шагнал нь дор дурдсан төрөлтэй байна. Үүнд:

- Шүүхийн шийдвэр гүйцэтгэх байгууллагын “Хүндэт ажилтан” тэмдэг
- “Салбарын тэргүүний ажилтан” тэмдэг
- Шүүхийн шийдвэр гүйцэтгэх байгууллагын “Албаны төлөө” I,II,III

зэргийн тэмдэг

- Шүүхийн шийдвэр гүйцэтгэх байгууллагын “Хүндэт тэмдэг”
- Шүүхийн шийдвэр гүйцэтгэх байгууллагын “Дурсгалын тэмдэг”
- Шүүхийн шийдвэр гүйцэтгэх байгууллагын “Хүндэт дэвтэр”-т бичиж алдаршуулах
- Шүүхийн шийдвэр гүйцэтгэх байгууллагын “Баярын бичиг”-ээр шагнах
- Үнэ бүхий зүйл дурсгах

Гурав. Шагналд нэр дэвшүүлэх,
олгох болзол, үндэслэл

3.1. Шүүхийн шийдвэр гүйцэтгэх ерөнхий газрын харъяа шийдвэр гүйцэтгэх алба, хорих ангийн албан хаагчийг шагнах асуудлыг тухайн алба, хорих ангийн дарга, чөлөөнд байгаа ахмадыг Шүүхийн шийдвэр гүйцэтгэх ерөнхий газрын Ахмадын хороо, төрийн болон төрийн бус байгууллага, хуулийн этгээдийн ажилтан, Монгол Улсын иргэн, түүнчлэн гадаад улсын иргэнийг Захиргааны удирдлагын газрын дарга шагнуулахаар тус тус нэр дэвшүүлнэ.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

3.2. Энэ журмын 2.1-д заасан шагналаар шагнуулахаар тухайн газар, хэлтэс, шийдвэр гүйцэтгэх алба, хорих ангийн даргын зохих журмын дагуу ирүүлсэн санал, тодорхойлолтыг Захиргааны удирдлагын газар хянан үзэж шаардлага хангасан гэж үзсэн хүний асуудлыг Шүүхийн шийдвэр гүйцэтгэх ерөнхий газрын даргад танилцуулж, Хууль зүйн сайдад уламжлан, шагнаж урамшуулах асуудлыг шийдвэрлэнэ.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

3.3. Энэ журмын 2.2-т заасан шагналыг тухайн газар, хэлтэс, шийдвэр гүйцэтгэх алба, хорих ангийн даргын зохих журмын дагуу уламжилсан санал, тодорхойлолтыг үндэслэн Захиргааны удирдлагын газар нэг бүрчлэн хянан үзэж, Шүүхийн шийдвэр гүйцэтгэх ерөнхий газрын даргад уламжлан шийдвэрлүүлнэ.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

3.4. Шүүхийн шийдвэр гүйцэтгэх байгууллагын ажилтныг шагнаж урамшуулахад дор дурдсан болзол, үндэслэлийг харгалзан үзнэ. Үүнд:

3.4.1. Үр дүнгийн гэрээгээр хүлээсэн үүргээ бүрэн биелүүлж, тодорхой үр дүнд хүрсэн байдал

3.4.2. Манлайлах ур чадвар, мэргэшлийн түвшинг дээшлүүлсэн байдал

3.4.3. Төрийн албан хаагчийн ёс зүйн хэм хэмжээг сахидаг байдал

3.4.4. Төрийн албанд тогтвор суурьшилтай ажилласан байдал

3.4.5. Онцгой гавъяа буюу амжилт /урлаг, спорт, хөдөлмөр / гаргасан байдал

Дөрөв. Шагналд тодорхойлох

4.1. Шүүхийн шийдвэр гүйцэтгэх байгууллагын шагналыг Монгол цэргийн баяр, Ардын хувьсгалын ойн баяр, Үндэсний эрх чөлөө, тусгаар тогтнолоо сэргээсний баярын өдөр, Шүүхийн шийдвэр гүйцэтгэх байгууллагын ажилтны өдөр болон байгууллагын ойг тохиолдуулан олгоно.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

4.2. Шагнуулахаар тодорхойлсон материал, холбогдох баримт бичгийг тухайн тэмдэглэлт өдөр, ой болохоос 30-аас доошгүй хоногийн өмнө Шүүхийн шийдвэр гүйцэтгэх ерөнхий газрын Захиргааны удирдлагын газарт хүргүүлнэ.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

4.3. Шагналд тодорхойлохдоо дор дурдсан материалыг бүрдүүлнэ. Үүнд:

4.3.1. Ажилтны анкет

4.3.2. Ажилтны ажил байдлын тодорхойлолт, ажлын үзүүлэлт

4.3.3. Хамт олны болон даргын зөвлөлийн хуралдааны тэмдэглэл

4.3.4. Онцгой амжилт гаргасан бол түүнийг гэрчлэх баримт бичиг

4.4. Шүүхийн шийдвэр гүйцэтгэх ерөнхий газрын Захиргааны удирдлагын газар нь газар, хэлтэс, шийдвэр гүйцэтгэх алба, хорих ангиас ирүүлсэн санал, тодорхойлолтыг хүлээн авч хянан үзэн, шаардлага хангасан материалыг Шүүхийн шийдвэр гүйцэтгэх ерөнхий газрын даргын зөвлөлийн хуралдаанд танилцуулж шийдвэрлүүлнэ.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

Тав. Шагналд олгоход тавигдах шаардлага

5.1. Шүүхийн шийдвэр гүйцэтгэх байгууллагын “Хүндэт ажилтан” тэмдгийг Шүүхийн шийдвэр гүйцэтгэх байгууллагад 20-оос дээш жил үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг шагнах ба “Хүндэт ажилтан” тэмдгээр шагнагдсан ажилтанд үнэмлэх, энгэрийн тэмдэг, Шүүхийн шийдвэр гүйцэтгэх ерөнхий газрын даргын гарын бэлгийн хамт олгоно.

/Энэ хэсэгт 2009 оны 10 дугаар сарын 28-ны өдрийн А/95 тоот тушаалаар өөрчлөлт орсон./

5.2. “Салбарын тэргүүний ажилтан” тэмдгийг хорих байгууллагад 10-аас дээш жил үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг

шагнах ба “Салбарын тэргүүний ажилтан” тэмдэгээр шагнагдсан ажилтанд үнэмлэх, энгэрийн тэмдгийн хамт олгоно.

/Энэ хэсэгт 2009 оны 10 дугаар сарын 28-ны өдрийн А/95 тоот тушаалаар өөрчлөлт орсон./

5.3. Тэргүүний шийдвэр гүйцэтгэгч тэмдгээр Шүүхийн шийдвэр гүйцэтгэх албанд 8-аас дээш жил үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтныг шагнах ба шагнагдсан ажилтанд үнэмлэх, энгэрийн тэмдгийн хамт олгоно.

5.4. Шүүхийн шийдвэр гүйцэтгэх байгууллагын “Албаны төлөө” I, II, III зэргийн медалиар шагнагдсан ажилтан, албан хаагчид Шүүхийн шийдвэр гүйцэтгэх байгууллагын “Албаны төлөө” I, II, III зэргийн үнэмлэх, энгэрийн тэмдгийн хамт олгоно.

5.5. Шүүхийн шийдвэр гүйцэтгэх байгууллагын “Албаны төлөө” I,II,III зэргийн тэмдгээр шагнахдаа энэ журмын нийтлэг үндэслэлийг баримтлан Шүүхийн шийдвэр гүйцэтгэх байгууллагад ажилласан жилийг харгалзан зэргийн дарааллаар олгоно. Үүнд:

5.5.1. Шүүхийн шийдвэр гүйцэтгэх байгууллагад 5-аас дээш жил ажилласан ажилтан, албан хаагчийг “Албаны төлөө” III зэргийн тэмдэгээр

5.5.2. Шүүхийн шийдвэр гүйцэтгэх байгууллагад 10-аас дээш жил ажилласан ажилтан, албан хаагчийг “Албаны төлөө” II зэргийн тэмдэгээр

5.5.3. Шүүхийн шийдвэр гүйцэтгэх байгууллагад 15-аас дээш жил ажилласан ажилтан, албан хаагчийг “Албаны төлөө” I зэргийн тэмдэгээр тус тус шагнана.

5.6. Шүүхийн шийдвэр гүйцэтгэх байгууллагын “Хүндэт тэмдэг”-ээр Шүүхийн шийдвэр гүйцэтгэх байгууллагад 7-оос дээш жил үр бүтээлтэй ажиллаж байгаа ажилтан, албан хаагч, түүнчлэн энэ журмын 1.3-д заасан шаардлагыг хангасан төрийн бусад байгууллагын ажилтан, албан хаагчийг шагнах ба “Хүндэт тэмдэг”-ийг үнэмлэх, энгэрийн тэмдгийн хамт олгоно.

/Энэ хэсэгт 2009 оны 10 дугаар сарын 28-ны өдрийн А/95 тоот тушаалаар өөрчлөлт орсон./

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

5.7. Шүүхийн шийдвэр гүйцэтгэх байгууллагын “Дурсгалын тэмдэг”-ээр энэ журмын 1.3-д заасан шаардлагыг хангасан Монгол Улсын болон гадаадын иргэнийг шагнах ба “Дурсгалын тэмдэг”-ийг үнэмлэх, энгэрийн тэмдгийн хамт олгоно.

5.8. Шүүхийн шийдвэр гүйцэтгэх байгууллагад 20-иос доошгүй жил үр бүтээлтэй ажиллаж байгаа ажилтан, албан хаагчийг ажлын амжилтыг үнэлж, Шүүхийн шийдвэр гүйцэтгэх байгууллагын “Хүндэт дэвтэр”-т бичигдсэнийг батламжилж дурсгалын гэрчилгээ олгоно.

5.9. Шүүхийн шийдвэр гүйцэтгэх ерөнхий газрын “Баярын бичиг”-ээр шагнагдсан хүмүүст “Баярын бичиг” олгох бөгөөд уг шагналыг 30,000 /гучин мянган/ төгрөгийн мөнгөн шагнал дагалдана.

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

5.10.Тэтгэвэрт гарсан ахмадыг зөвхөн Монголын Ахмадын өдрөөр шагнаж, билгийн улирлын хаврын тэргүүн сар-Цагаан сарын шинийн нэгний баяраар “Ахмад настан, түүнд үзүүлэх хөнгөлөлт, үйлчилгээний тухай хууль”-ийн 9 дүгээр зүйлийн дагуу хүндэтгэлийн арга хэмжээ зохион байгуулна.

5.11. Албан хаагч онцгой чухал буюу онц түвэгтэй албан даалгавар биелүүлсний төлөө энэ журмын 2 дахь хэсэгт заасан Шүүхийн шийдвэр гүйцэтгэх байгууллагын шагналуудыг хугацаа харгалзахгүй олгоно.

/Энэ заалтыг 2009 оны 10 дугаар сарын 28-ны өдрийн А/95 тоот тушаалаар нэмсэн./

5.12. Энэ журмын 2 дахь хэсэгт заасан тэмдэг хооронд 3-аас доошгүй жилийн хугацаатай байна.

/Энэ заалтыг 2009 оны 10 дугаар сарын 28-ны өдрийн А/95 тоот тушаалаар нэмсэн./

/Энэ заалтад Шүүхийн шийдвэр гүйцэтгэх ерөнхий газрын даргын 2013 оны 04 дүгээр сарын 24-ний өдрийн А/78 дугаар тушаалаар өөрчлөлт оруулсан/

Зургаа. Шагналд зарцуулах хөрөнгө

6.1. Шүүхийн шийдвэр гүйцэтгэх байгууллагын болон бусад байгууллагын ажилтан, албан хаагч, гадаадын иргэнийг шагнах шагнал, урамшуулалд зарцуулах хөрөнгийг зохих журмын дагуу төсөв болон орлогоос санхүүжүүлнэ.

/Энэ хэсэгт 2009 оны 10 дугаар сарын 28-ны өдрийн А/95 тоот тушаалаар өөрчлөлт орсон./

Долоо. Бусад зүйл

7.1. Байгууллагын шагналыг ямар нэгэн шалтгаанаар үрэгдүүлсэн, гэмтээсэн тохиолдолд нөхөн сольж олгож болно.

7.2. Нөхөн сольж олгоход дараах баримт бичгийг бүрдүүлсэн байна. Үүнд:

7.2.1. Нөхөн сольж, олгож өгөхийг хүссэн өргөдөл

7.2.2. Үрэгдүүлсэн болон гэмтээснийг нотлох баримт

7.2.3. Мөнгө тушаасан баримт.

7.3. Энэ журмын 7.2-т заасан баримт бичгийг үндэслэн Шүүхийн шийдвэр гүйцэтгэх ерөнхий газрын Захиргааны удирдлагын газар шагналын тэмдэг, үнэмлэхийг хэвлүүлэн хийлгэсэн зардлыг хоёр дахин нугалж төлүүлэх ба төлбөрийг гаргуулан тэмдэг, үнэмлэхийг нөхөн олгоно.

---oOo---

Шүүхийн шийдвэр гүйцэтгэх ерөнхий газрын
даргын 2007 оны А/106 дугаар тушаалын
нэгдүгээр хавсралт

НЭГ. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
“ХҮНДЭТ АЖИЛТАН”ТЭМДЭГ, ҮНЭМЛЭХНИЙ
ТОДОРХОЙЛОЛТ

Нэг. Шүүхийн шийдвэр гүйцэтгэх байгууллагын
“хүндэт ажилтан”тэмдэгийн тодорхойлолт

1.1. Шүүхийн шийдвэр гүйцэтгэх байгууллагын “Хүндэт ажилтан” тэмдэг нь алтлаг зургаан хошуу, хошуу хоорондох хэсгийг холбосон мандан бадрахыг бэлэгдсэн ивээлт нарны цацрагтай ба цацраг доторх шар өнгийн дэвсгэр дээр “ШШГБ”, “ХҮНДЭТ АЖИЛТАН” гэсэн бичээстэй байх бөгөөд түүний дотор талын дугуйд бүрэн эрхт байдал, цог хийморийг илтгэсэн төрийн далбааны бэлэгдэл улаан, хөх, улаан өнгийн дэвсгэр дээр хууль, шударга ёсны бэлэгдэл илд бамбайг товойлгон байрлуулж дотор талын ногоо суурин дээр төрийн алтан соёмбыг байрлуулна.

1.2. Тэмдгийн үндсэн суурь зургаан хошууны хэмжээ 5.5 см, дотор цагирагийн хэмжээ 3.0 см, бамбайн өндөр 2.6 см, өргөн 2.3 см, соёмбын өндөр 0.8 см байна. Тэмдгийн ар талд тогтоох зүүлттэй байна. Тэмдгийг тууз /лент/ дагалдана. Туузны урт 2.8x1 см байна.

1.3. Шүүхийн шийдвэр гүйцэтгэх байгууллагын “Хүндэт ажилтан” тэмдгийг Шүүхийн шийдвэр гүйцэтгэх байгууллагад үр бүтээлтэй ажиллаж, хариуцсан ажилдаа амжилт гаргаж, үйлсээрээ тэргүүлсэн ажилтан, албан хаагчийг шагнаж урамшуулна.

Хоёр. Шүүхийн шийдвэр гүйцэтгэх байгууллагын
“Хүндэт ажилтан” тэмдгийн үнэмлэхний тодорхойлолт

2.1. Шүүхийн шийдвэр гүйцэтгэх байгууллагын “Хүндэт ажилтан” тэмдгийн үнэмлэх нь 8.5х6.5 см хэмжээтэй, улаан өнгийн эдээр үйлдсэн зөөлөвч бүхий хавтастай, гадна талын нүүрэн дээрх соёмбо нь алтан шар өнгөтэй, түүний доод хэсэгт “ҮНЭМЛЭХ” гэсэн үгийг тод шар өнгөөр бичсэн байна.

2.2. Үнэмлэхний хавтасны дотор талын баруун хэсэгт “Шүүхийн шийдвэр гүйцэтгэх байгууллагын “Хүндэт ажилтан” гэсэн бичээстэй байх бөгөөд уг бичээс болон үнэмлэхний дугаарыг хар өнгөөр тус тус бичсэн байна.

2.3. Үнэмлэхний хавтасны дотор талын зүүн хэсэгт шагнагдагчийн овог, нэрийг бичиж, “.....таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг Тань өндрөөр үнэлж, Шүүхийн шийдвэр гүйцэтгэх ерөнхий газрын даргын 200...оны ...дугаар сарын ...-ны өдрийнтушаалаар Шүүхийн шийдвэр гүйцэтгэх байгууллагын “Хүндэт ажилтан” тэмдгээр шагнаж, үнэмлэх олгов” гэсэн хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

ХОЁР. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
“САЛБАРЫН ТЭРГҮҮНИЙ АЖИЛТАН” ТЭМДЭГ,
ҮНЭМЛЭХНИЙ ТОДОРХОЙЛОЛТ

Нэг. “Салбарын тэргүүний ажилтан”
тэмдгийн тодорхойлолт

1.1. “Салбарын тэргүүний ажилтан” тэмдэг нь хууль, шударга ёсны бэлэгдэл болсон илд бамбай дэвсгэртэй байна. Илд бамбайн дотор талын ногоон өнгийн дэвсгэр дээр төрийн алтан соёмбо байрлуулна. Соёмбын доод талд монгол бичгээр “ТЭРГҮҮНИЙ АЖИЛТАН” гэж улаан өнгийн туузан дээр бичигдсэн байх бөгөөд тууз, илдний доод огтлолцолын хэсэгт эрдэм, оюуны бэлэгдэл номыг цагаан өнгөөр дүрслэн байрлуулж, түүний дотор хэсэгт зогсолтгүй эргэх хүчний бэлэгдэл хүрдийг байрлуулна.

1.2. Тэмдгийн өндөр 5.2 см, өргөний хэмжээ 3.2 см хэмжээтэй байна. Тэмдгийн ар талд хувцсанд тогтоох зүүлттэй байх ба тэмдэгийг лент дагалдана. Лентны урт 2.8х1 см хэмжээтэй байна.

1.3. “Салбарын тэргүүний ажилтан” тэмдгийг хорих байгууллагад үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг шагнаж урамшуулна.

Хоёр. “Салбарын тэргүүний ажилтан” тэмдэгийн
үнэмлэхний тодорхойлолт

2.1. “Салбарын тэргүүний ажилтан” тэмдэгийн үнэмлэхний хэмжээ нь “Хүндэт ажилтан” тэмдэгийн үнэмлэхтэй адил хэмжээ, материалаар хийгдсэн байна.

2.2. Үнэмлэхний хавтасны дотор талын баруун хэсэгт шагнагдагчийн овог нэрийг бичиж “.....Таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг тань үнэлж Шүүхийн шийдвэр гүйцэтгэх ерөнхий газрын даргын 200...оны ...дугаар сарын ...-ны өдрийн ...дугаар тушаалаар Шүүхийн шийдвэр гүйцэтгэх байгууллагын “Салбарын тэргүүний ажилтан”

тэмдгээр шагнаж, үнэмлэх олгов” гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажсан байна.

ГУРАВ. “ТЭРГҮҮНИЙ ШИЙДВЭР ГҮЙЦЭТГЭГЧ” ТЭМДЭГ,
ҮНЭМЛЭХНИЙ ТОДОРХОЙЛОЛТ

Нэг. “Тэргүүний шийдвэр гүйцэтгэгч” тэмдгийн
тодорхойлолт

1.1. Шүүхийн шийдвэр гүйцэтгэх байгууллагын “Тэргүүний шийдвэр гүйцэтгэгч” тэмдэг нь төр, ард түмэндээ үйлчлэх, хамгаалах утгатай бамбай хэлбэртэй, суурь хэсгээрээ өсөн дэвжихийн билэгдэл арвай буудай хүрээтэй, бамбайн дунд хэсэг нь Монгол Улсын төрийн далбааны дэвсгэр дээр төрийн билэгдэл бадамлянхуа суурь бүхий алтан соёмбыг дүрсэлсэн, түүний доор байгууллагын нэрийн товчлол “ШГГ” гэж, тэмдгийн хажуу хэсгийн шар өнгийн дэвсгэр “Тэргүүний гүйцэтгэгч” гэж монгол үсгээр бичсэн байна. Бамбайн орой дээр Шүүхийн шийдвэр гүйцэтгэх байгууллагын билэгдэл бүргэдийн дүрсийг товойлгон, гол хэсэгт төрийн хэргийг мэргэн явуулахын билэгдэл илдийг байрлуулж, илдний бариул дээр эрч хүчийн билэгдэл улаан өнгийн шигтгээ суулгасан байна.

1.2. Тэмдгийн урт нь 55.0 мм, өргөн нь 31.0 мм, деталь тус бүрийн зузаан нь 2.0 мм байна. “Тэргүүний гүйцэтгэгч” тэмдгээр шагнагдагсад хувийн дугаар бүхий үнэмлэх олгох ба, тэмдгийг тууз дагалдана. Туузын урт 2.8х1 см хэмжээтэй байна.

Хоёр. “Тэргүүний шийдвэр гүйцэтгэгч” үнэмлэхний
Тодорхойлолт

2.1. “Тэргүүний шийдвэр гүйцэтгэгч” үнэмлэх нь 8.5х6.5 см хэмжээтэй, улаан өнгийн эдээр үйлдсэн зөөлөвч бүхий хавтастай, гадна талын нүүрэн дээрх соёмбо нь алтан шар өнгөтэй, түүний доод хэсэгт “ҮНЭМЛЭХ” гэсэн үгийг тод шар өнгөөр бичсэн байна.

2.2. Үнэмлэхний хавтасны дотор талын зүүн хэсэгт Шүүхийн шийдвэр гүйцэтгэх байгууллагын “Тэргүүний гүйцэтгэгч” гэсэн бичээстэй байх бөгөөд уг бичээс болон үнэмлэхний дугаарыг хар өнгөөр бичсэн байна.

2.3. Үнэмлэхний хавтасны дотор талын зүүн хэсэгт шагнагдагчийн овог нэрийг бичиж “.....” таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг Тань үнэлж, Шүүхийн шийдвэр гүйцэтгэх ерөнхий газрын даргын 20.. оны ... дугаар сарын ...-ны өдрийн тоот тушаалаар “Тэргүүний шийдвэр гүйцэтгэгч” тэмдгээр шагнаж үнэмлэх олгов” гэсэн хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

/Энэхүү тэмдэг, үнэмлэхний тодорхойлолтыг “Шүүхийн шийдвэр гүйцэтгэх байгууллагын ажилтанд шагнал, урамшуулал олгох журам”-д өөрчлөлт оруулах тухай Шүүхийн шийдвэр гүйцэтгэх ерөнхий газрын даргын 2013 оны А/61 дүгээр тушаалын хавсралтаар нэмсэн/

ДӨРӨВ. ШҮҮХИЙН ШИЙДВЭР БАЙГУУЛЛАГЫН
“АЛБАНЫ ТӨЛӨӨ-I, II, III” ЗЭРГИЙН ТЭМДЭГ, ТУУЗ,
ҮНЭМЛЭХНИЙ ТОДОРХОЙЛОЛТ

Нэг. Шүүхийн шийдвэр байгууллагын
“Албаны төлөө-I” зэргийн тэмдэг, туузын тодорхойлолт

1.1. Шүүхийн шийдвэр гүйцэтгэх байгууллагын “Албаны төлөө-I” зэргийн тэмдэг нь /цаашид “Албаны төлөө-I” тэмдэг гэх / хоорондоо богино цагирагаар холбогдсон тэмдэг, ялгах зүүлт хоёроос бүрдсэн байна.

1.2.“Албаны төлөө-I” тэмдэг нь 4 см өндөртэй, улаан таван хошуу, түүний хооронд хошуу хоорондох хэсгээрээ давхардуулан төвийлгөж хийсэн ивээлр нарны цацрагыг бэлэгдсэн бэлэгдэл нь алтлаг өнгөтэй, төв хэсэг нь тус байгууллагын ариун үйлсийг бэлэгдсэн цагаан дэвсгэр дээр “ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГА” гэж шар өнгийн үсгээр тойруулан бичигдсэн байх бөгөөд тойрог дотор мөнх тэнгэрийг бэлэгдсэн хөх өнгийн дэвсгэр дээр Монгол Улсын тусгаар тогтнол, бүрэн эрхт байдал, цог хийморийг илтгэсэн төрийн алтан соёмбыг дүрсэлсэн байна.

1.3. Ялгах зүүлт нь 2.3 см өндөр, 2 см өргөнтэй байна. Ялгах зүүлт нь нэгдүгээр зэргийг илтгэсэн цэнхэр өнгийн нэг босоо багантай бөгөөд хоёр талдаа алтлаг шар өнгөөр хүрээлэгдсэн байна.

1.4. Шүүхийн шийдвэр гүйцэтгэх байгууллагын “Албаны төлөө-I” зэргийн дурсгалын тэмдэгний тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалаар хийгдсэн байна.

Хоёр. Шүүхийн шийдвэр байгууллагын
“Албаны төлөө-II” зэргийн тэмдэг, туузын тодорхойлолт

2.1. Шүүхийн шийдвэр гүйцэтгэх байгууллагын “Албаны төлөө-II” зэргийн тэмдэг нь /цаашид “Албаны төлөө-II” тэмдэг гэх / хоорондоо богино цагирагаар холбогдсон тэмдэг, ялгах зүүлт хоёроос бүрдсэн байна.

2.2. “Албаны төлөө-II” зэргийн тэмдэг нь харагдах дүрсийн хувьд “Албаны төлөө-I” дүгээр зэргийн тэмдэгтэй адилхан, улаан таван хошуу, түүний хооронд хошуу хоорондох хэсгээрээ давхардуулан төвийлгөж хийсэн ивээлт нарны цацрагыг бэлэгдсэн хэсэг нь мөнгөлөг өнгөтэй байна.

2.3. Ялгах зүүлт нь 2.3 см өндөр, 2 см өргөнтэй байна. Ялгах зүүлт нь хоёрдугаар зэргийг илтгэсэн цэнхэр өнгийн хоёр босоо багантай бөгөөд багана хооронд мөнгөлөг өнгөөр хүрээлэгдсэн байна.

2.4. “Албаны төлөө-II” зэргийн тэмдгийн тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалаар хийгдсэн байна.

Гурав. Шүүхийн шийдвэр байгууллагын
“Албаны төлөө-III” зэргийн тэмдэг, туузын тодорхойлолт

3.1. Шүүхийн шийдвэр гүйцэтгэх байгууллагын “Албаны төлөө-III” зэргийн тэмдэг /цаашид “Албаны төлөө-III” тэмдэг гэх/ хоорондоо богино цагирагаар холбогдсон медаль, ялгах зүүлт хоёроос бүрдсэн байна.

3.2. “Албаны төлөө” III зэргийн тэмдэг нь “Албаны төлөө-I”, “Албаны төлөө-II” зэргийн тэмдэгтэй харагдах дүрсийн хувьд адилхан, улаан таван хошуу, түүний хоорондох хэсгээрээ давхардуулан төвийлгөж хийсэн ивээлт нарын цацрагыг бэлэгдсэн хэсэг нь зэс өнгөтэй байна.

3.3. Ялгах зүүлт нь 2.3 см өндөр, 2 см өргөнтэй байна. Ялгах зүүлт нь гуравдугаар зэргийг илтгэсэн цэнхэр өнгийн гурван босоо багантай бөгөөд багана хооронд зэс өнгөөр хүрээлэгдсэн байна.

3.4. “Албаны төлөө- III” зэргийн тэмдгийн тууз нь 1 см өндөр, 2,5 см өргөнтэй, ялгах зүүлттэй адил өнгөтэй материалаар хийгдсэн байна.

Дөрөв. Шүүхийн шийдвэр гүйцэтгэх байгууллагын
“Албаны төлөө-I, II, III” зэргийн тэмдэгийн
үнэмлэхний тодорхойлолт

4.1. Шүүхийн шийдвэр гүйцэтгэх байгууллагын “Албаны төлөө-I”, “Албаны төлөө-II”, “Албаны төлөө-III” зэргийн тэмдэгийн үнэмлэхний хэмжээ нь “Хүндэт ажилтан” тэмдгийн үнэмлэхтэй адил хэмжээ, материалаар хийгдсэн байна.

4.2. Үнэмлэхний хавтасны дотор талын баруун хэсэгт шагнагдагчийн овог нэрийг бичиж “.....таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг Тань үнэлж, Шүүхийн шийдвэр гүйцэтгэх ерөнхий газрын даргын 20...оны...дугаар сарын ...-ны өдрийн ...дугаар тушаалаар Шүүхийн шийдвэр гүйцэтгэх байгууллагын “Албаны төлөө-I”, “Албаны төлөө-II”, “Албаны төлөө-III” зэргийн тэмдгээр шагнаж, үнэмлэх олгов.” гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

ТАВ. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН “ХҮНДЭТ ТЭМДЭГ”, ҮНЭМЛЭХНИЙ ТОДОРХОЙЛОЛТ

Нэг. “Хүндэт тэмдэг”-ийн тодорхойлолт

1.1.“Хүндэт тэмдэг” нь хууль, шударга ёсны бэлэгдэл болсон илд бамбайн дэвсгэртэй байна. Илд бамбайн дотор талын шар өнгийн хүрээний дээд хэсэгт “ШШГБ” гэсэн бичээстэй байх бөгөөд хүрээн дотор талд бүрэн эрхт байдал, цог хийморийг илтгэсэн төрийн далбааны бэлэгдэл улаан, хөх, улаан өнгийн дэвсгэр дээр төрийн алтан соёмбо, түүний доод талд “ХҮНДЭТ ТЭМДЭГ” гэсэн хөх өнгийн бичигтэй алтан шар өнгийн туузыг байрлуулна. Тэмдгийн өндөр нь 4.5 см, өргөн нь 3.2 см. Тэмдгийн ар талд хувцсанд тогтоох зүүлттэй байна. Тэмдгийг тууз /лент/ дагалдана. Туузын урт 2.5х1 см байна.

Хоёр. Шүүхийн шийдвэр гүйцэтгэх байгууллагын “Хүндэт тэмдэг”-ийн үнэмлэхний тодорхойлолт

2.1. Шүүхийн шийдвэр гүйцэтгэх байгууллагын “Хүндэт тэмдэг” тэмдгийн үнэмлэх нь 8.5х.6.5 см хэмжээтэй, улаан өнгийн эдээр үйлдсэн зөөлөвч бүхий хавтастай байна. Дээрх соёмбо нь нь алтан шар өнгөтэй, түүний доод хэсэгт “Үнэмлэх” гэсэн үгийг тод шар өнгөөр бичсэн байна.

2.2.Үнэмлэхний хавтасны дотор талын баруун хэсэгт “Шүүхийн шийдвэр гүйцэтгэх байгууллагын “Хүндэт тэмдэг” гэсэн бичээс байх бөгөөд уг бичээс болон үнэмлэхний дугаарыг хар өнгөөр тус тус бичсэн байна.

2.3.Үнэмлэхний хавтасны дотор талын баруун хэсэгт шагнагдагчийн овог нэрийг бичиж, Шүүхийн шийдвэр гүйцэтгэх байгууллагын ажилтан, албан хаагчийн хувьд “.....таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг тань үнэлж” гэх; төрийн бусад байгууллагын ажилтан, албан хаагчийн хувьд “.....таныг Шүүхийн шийдвэр гүйцэтгэх байгууллагын үйл ажиллагааг боловсронгуй болгох, боловсон хүчнийг бэлтгэх, гадаад хамтын ажиллагааг хөгжүүлэхэд тодорхой хувь нэмэр оруулсаныг Тань үнэлж” гэх, Шүүхийн шийдвэр гүйцэтгэх байгууллагын “Хүндэт тэмдэг”-ээр шагнаж, үнэмлэх олгов” гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

ЗУРГАА. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН “ДУРСГАЛЫН ТЭМДЭГ”, ҮНЭМЛЭХНИЙ ТОДОРХОЙЛОЛТ

Нэг. “Дурсгалын тэмдгийн тодорхойлолт”

1.1.Шүүхийн шийдвэр гүйцэтгэх байгууллагын “Дурсгалын тэмдэг” нь /цаашид “тэмдэг”гэх/ хоорондоо богино цагирагаар холбогдсон тэмдэг, ялгах зүүлт хоёроос бүрдсэн байна.

1.2.Тэмдэг нь 4 см өндөртэй, улаан таван хошуу, түүний хооронд хошуу хоорондох хэсгээрээ давхардуулан төвийлгөж хийсэн ивээлт нарны цацрагаар мандан бадрахыг бэлэгдсэн бэлэгдэл нь алтлаг өнгөтэй, төв хэсэг нь тус байгууллагын ариун үйлсийг бэлэгдсэн цагаан дэвсгэр дээр “ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГА” гэж шар өнгийн үсгээр тойруулан бичигдсэн байх бөгөөд тойрог дотор мөнх тэнгэрийг бэлэгдсэн хөх өнгийн дэвсгэр дээр Монгол Улсын тусгаар тогтнол, бүрэн эрхт байдал, цог хийморийг илтгэсэн төрийн алтан соёмбыг дүрсэлсэн байна.

1.3.Ялгах зүүлт нь 2.7 см өндөр, 2.1 см өргөнтэй дээд доод хоёр талдаа шар өнгийн металл, шар, хүрэн гэсэн гурван өнгийн босоо баганатай байна.

1.2.Шүүхийн шийдвэр гүйцэтгэх байгууллагын “Дурсгалын тэмдэг”-ний тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалаар хийгдсэн байна.

Хоёр. “Дурсгалын тэмдэг”-ийн үнэмлэхний
Тодорхойлолт

2.1.Шүүхийн шийдвэр гүйцэтгэх байгууллагын “Дурсгалын тэмдэг”-ийн үнэмлэх нь 8.5.х6.5 см хэмжээтэй улаан өнгийн эдээр хийгдсэн зөөлөвч бүхий хавтастай, гадна талын нүүрэндээ алтан шар өнгийн соёмботой, түүний доод хэсэгт “ҮНЭМЛЭХ” гэж үсгээр бичсэн байна.

2.2.Үнэмлэхний хавтасны дотор талын зүүн хэсэгт “Шүүхийн шийдвэр гүйцэтгэх байгууллагын “Дурсгалын тэмдэг” гэсэн бичээс байх ба уг бичээс, үнэмлэхний дугаарыг хар өнгөөр тус тус бичсэн байна.

2.3.Үнэмлэхний хавтасны дотор талын баруун хэсэгт шагнагдагчийн овог нэрийг бичиж, “.....таныг Шүүхийн шийдвэр гүйцэтгэх байгууллагын үйл ажиллагааг боловсронгуй болгох, боловсон хүчнийг бэлтгэх, гадаа хамтын ажиллагааг хөгжүүлэхэд тодорхой хувь нэмэр оруулсныг Тань үнэлж, Шүүхийн шийдвэр гүйцэтгэх байгууллагын “Дурсгалын тэмдэг”-ээр шагнаж, үнэмлэх олгов” гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

---оОо---